

上



101119



成十知圖證及輩予
 縮有輾觀每必圖與
 本一轉之以抄繪全
 彙圖相為未撮各鄂
 而即購憾獲其有巖
 栞香不于填題癖楊
 之之踰是詞詠嗜文
 則標月各歸以澆樸
 讀盦而從耕資覽于
 畫臨得所諸孝所前



施少峯而成之者
樽盃之
序
八十三
鮑廷博添飲甫
序



讀書齋偶輯目次

王阮亭載書圖

朱竹垞煙雨歸耕圖

朱竹垞小長蘆圖

朱竹垞竹垞圖

朱竹垞豆棚銷夏圖

尤西堂竹林宴坐圖

陳其年填詞圖

李秋錦灌園圖


田山薑大通秋汎圖



李分虎廬山行脚圖

朱西峻月波吹笛圖

載書圖



載書圖

黃元治



萬象雕琢遠皇古滾、江河誰砥柱惟有泰山萬
仞高卓立東溟帶齊魯層峰疊岫瞻嶽雲崇朝霖
雨消塵氛觸石方舒倏復卷元氣厚蓄增氤氳昭
代道隆不封禪憑茲雲氣敷禹甸駿馱須臾飛出
山滂沱深慰重瞳眷 聖眷專注今何人漁洋夫
子經術醇天將斗柄為喉舌 帝待秋卿秉軸鈞
渥恩豈念林泉好莽、松楸久未掃仰遵 聖孝
苦陳情 九重聳聽恤懷抱覽表翻然重躊躇知



公恬退思遂初願謂宰相不下筆西曹非卿疇可
居爾乃給假止五月夏日歸廬冬赴闕一朝廷延
佇敢辭勞青山無榻容休歇攬轡來朝出國都生
平長物真絕無惟載奇書數十乘道心追想龍河
圖到家族老敘年齒首撫階前諸幼稚竹林籜長
青龍孫榴火山輝丹鳳紙臨岐回顧諸門生獨憐
賤子方南征南征萬里何足道乘風破浪古人情
但悵無能長侍側矯首天南望天北願起岱雲佐
龍鱗六合九州盡繁殖

朱廷鉉

先生人倫宗出處衆所仰年々北斗光輝煌照天
壤一朝懷負土未歸心已注泣上陳情書同朝為
愴况

明詔何皇々虛此文昌座五月促還朝登車期敢
過無傷孝子心詎失盛朝佐君親而無忝此行
足揚播

崔嵬華不注琳琅躡突泉驅車一俯仰故林發新
妍為問游釣侶于今誰在焉獨留訪舊詩永與山
水傳

山櫻果初熟垂珠引歸轡轉盼金風吹珂轂動荷

芟豈徒白雲亭明刑有攸寄翹首開綸扉啓沃將
公倚

孫致彌

文陛辭榮切 彤庭寵眷深暫教尋謝墅還待作
商霖清白昭臣鵠公忠結 聖心自天虛獨座計
日望重臨祖帳都亭外歸程泰岱陰但携書滿載
寧問橐無金健謝鳩杖杖閑過蠶尾岑游真同畫
錦來莫後秋砧曾許溝中木堪陪爨下琴前期知
不遠小別意難任露浥黃花砌霜酣碧樹林黃金
臺下路翹首望車音

陳奕禧

春寒臥微疴忽動林壑志先公定窶兆地里當更
置一封陳情疏蒙 恩許襄事五月期還朝尚書
特虛位古來君臣際去就關大義潔清抱亮節交
孚乃深至文章既冠代眷注復殊異 上意方嚮
用臣心敢自諉循環四十年初衣未能遂茲行得
展掃孝思永不匱穹碑表隧道松楸護蒼翠觀者
皆感歎 皇仁宏錫類

我、司寇門盡日常聞如往來數門生談笑時軒
渠纔聞請急歸迴念還躊躇私計雖出此但惜離

別初何期 聖明意頓使心神舒所親皆歡悅暫
為理行輿行李何所有落、十乘書朝廷重老臣
情味何蕭疎去矣東都門垂楊蔭交衢紛紜來餞
送滿目盛簪裾應數北還日逢迎臨歲除

湯右曾

四紀列彤闈致君堯舜如大儒經世務所得古人
書職密典機衡心清抱冲虛一念滄海曲遙情賦
歸歟顧思 明主恩欲言復躊躇但申邱壠請未
及齒髮疎 至尊眷老臣温語聞直廬尚書天喉
舌公行不再除斲賜休沐閑五月田園居渚鴻任

翔集山雲從卷舒張飲東都門何如管二疏僕夫
秣征馬門生扶籃輿蹙軫三萬軸過此不願餘清
風誰當傳圖繪禹鴻臚風神照魚鳥情話樂里閭
黃花九秋節采、盈衣裾丹雀銜書來翩翩玉林
墟公其出為國未可云遂初

查昇

恩光親切始終專朝野東山望儼然拜手陳詞情
懇、 憑軒慰勞語拳、兩全忠孝真無愧如此
君臣事可傳早晚台星環北極佇聽曳履肅班聯
姓名久擬卜金甌六合聲華孰可傳出處動關千

古事行藏肯為一身謀連雲祖帳疑無地壑擔書
囊欲勝舟莫謂趨朝期太迫問誰休沐半年留

史申義

四十年來典禁林青霞朗月映華簪時清未抗歸
田疏 主聖終移誓墓心衮繡山龍誰得補恩波
魚水眷方深松楸此去鳴簫鼓霑灑明湖六月陰
海岱精英鸞鳳聲孤忠 天鑒語分明九重心獨
知清德四海名誰及老成此日殿廷皆動色向來
門戶有紛爭醇臣風節銷朋黨始信文章報國輕
祖帳青門萬騎催天街雨過不生埃丹傳扁鵲山

侵郭馬憶齊桓草上臺北斗共瞻虛位得東山未
擬隔年迴濃陰綠徧尚書省好聽音聲出古槐

許志進

先生幽意動夢繞水雲鄉得請恩誠渥言歸喜欲
狂晴郊柳色暗驛路棗花香故國滄洲遠心期魚
鳥旁

籬門擁竹樹舊是輞川居採藥行花徑頤生讀道
書心閒遺絨冕興懶狎樵漁散髮饒清暇山田一
荷鋤

傾都走儒雅觴咏祖行程共是龍門彥殊深御李

情文章歸玉尺出處繫蒼生他日鋒車詔中朝聽
履聲

天語丁寧甚丹宸豈久違祇令公輔器暫著芟荷
衣廊廟仍虛席林塘漫掩扉八駟行計日重返袞
衣歸

汪士鉉

蛇年建午月公還故山道 詔許瞻松楸殊恩自
蒼昊邁種惟明刑歸 朝貴及早維時久不雨日
出但杲、為公洗征輪翻盆勢傾倒詰朝雨新晴
天街淨如掃供帳繁生徒晤言暢懷抱有客前致

詞夫子盛天藻譬如鼓鴻鈞庶類出元造敷榮游
鄂新澄瑩冰雪皎格律參微茫載籍恣搜討入河
萬派迴登岱羣山小 宸書帶經堂曾雲簇天表
綠綈三日塵拂拭待元老如何儀鳳姿翻作冥鴻
矯豈知夫子心遺榮勝勲考秋林縱霜鷗春雨鋤
煙草鵲湖蠶尾間已覺歸心繞憶昔負行笈京華
歎饑芋耘書劇鈔胥力作甚傭保波濤塵事辛崢
嶸歲時杳幸因孔李交春風動枯槁杖屨參晨昏
鉛黃勘醜好雖勞匠氏斲寧得天機巧提携廿年
餘借羽翻籠鳥公乎來何時攬轡及冬杪為霖膚

寸雲應慰蒼生禱

用白傅公雖慕張范
帝未舍伊臯為韻

汪 倓

皇帝四十載黜賓律方中公時得暫假五岳行瞻
東斗杓俟履聲殊眷紆宸衷歷徵古管人高懷孰
如公

西京劇燕喜功業無多施東都盛祖餞官秩猶自
卑誰歟接三台更肯吟四雖鵲山與蠶尾寤寐長
懷思

懷思抑何殷松楸展孺慕 至尊為動頽感公此
情愴稍辭掌典勞且即還山路王程亦有期五弦

瞻顧免

臺閣踰十年始一還故鄉瞻送來羣工供帳已畢
張雖未辭貂蟬且作鸞鳳翔小住良復佳邱壑真
難忘

青葱織華裾繁纓綴金鏐蕩々西郊陰征鞍更一
摻邱園成薄游長吟對兩楹載書三十車應陋扁
舟范

協中致時雍賡歌侍虞帝帶經錫 宸章跳龍比
書勢城西別墅開五雲簇新第掃除持閑行花落
風亭砌

詞源方就湮萬派失奔彙非公一柱堅橫流吁可
畏秋雲比澄鮮春林並蔚蔚試問輞川人新詩及
公未

使節公所經游歷半中夏山川出詭奇靈府費陶
冶師集吟誦餘胠手誰能舍日誦五十箋蠅頭更
鈔寫

下材荷甄錄訓誨曾弗遺退朝得叅侍絃誦聞唔
咿公時發微言輕氷泮春颺愧非桃李陰門館隆
恩私

申章紙易竟別緒繭始縑公來只冬月令我心鬱
陶聊吟香山句用慰瞻佇勞 帝圖望丹青公勿
淹東臯

汪 繹

祖帳臨青門車馬紛喧闐借問此何為傾都餞名
賢須臾戒道來觀者行摩肩僂從無幾人行行李何
蕭然五車載圖書任重驅不前六十古云老篤嗜
猶中天三事久已貴咿唔甚寒羶中間千萬卷無
卷無丹鉛先生真遺榮擁此歸心堅豈知 帝所
眷未許安林泉還將稽古力來佐昇平年

方 辰



P11-12

齊山屯絳雲垂天作霖雨掩映三能星沐浴日月
府雲歸識舊山潭迤去南浦寄言向鴻蒙蒼生望
咻噢我公忠孝人超詣妙千古家學本青箱名德
在寰宇詩賦逼騷雅文體闢門戶擘轡躡通班玉
堂振旗鼓摩挲周宣石園橋聽如堵半歷六曹長
憲臺驄馬怒敬獄式蘓公 至尊托肺腑槐堂不
沸羹調和待黜黜文書填委間詩筒仍旁午推轂
白屋流揮沐哺飯吐大浸受百川匠石持郢斧猥
慚赤澤鯢鑿鉞到頑魯寥廓遵渚鴻仰視在岷岵
愛國看鬢絲思親薄珪組眷 絳帳生情曷任既

亭有堂開綠野得意註黃連少日曾遊地籃輿處
處停

南奉陸生使西遊萬里橋乘槎思往日息羽喜今
朝琴酒塵難近林泉興自饒 九重方側席洛社
莫相邀

拙宦憐先子曾趨絳帳傍公能念簪履許為傳循
良諾已千金重光應萬丈長草堂逢暇日應不靳
琳琅

朱載震

欲作歸田計未成時清寧許竟遺榮陳情固爾稱

高尚知己終難遇 聖明一代文章還白首兩朝
臣濟仰蒼生即看得請仍虛席不遠崇班聽履教
帝廷獻納首臯謨一德交孚古不殊忽夢松楸依
丙舍早懷耕釣寫新圖公有荷鉏圖邨鄰到日爭相識
猿鳥迎人莫浪呼自是君恩最深重暫開豈忍說
江湖

蠶尾煙嵐入望賒歸旌遙逐棟風斜都人擁路瞻
三事長物隨身載五車真率還同洛下老風流原
屬輞川家堂開清霽成高會 宸翰光懸爛晚霞

御書帶經堂
賜公

一從沛上拜 溫綸游歷中臺十二春自信樸忠
能報 主每逢霜露倍思親心傾舊德知誰是手
挽狂瀾更孰倫獨喜秋深車北向待公猶及拂埃
塵

曹曰瑛

檢點隨身只佩魚俸錢都在十車書趙家琴鶴非
經術同一清風恐未如

想到蘭風拂畫檐刺桐陰裏卷湘簾縹緲散後分
籤軸每日丹鉛手自拈

聲華瑩徹貯壺冰三昧真傳逼右丞海內雖知爭

學步風流端的有誰能
殊恩予假暫抽閒那得淹留謝傅山欲慰蒼生望
霖雨半年依舊領朝班

蔣仁錫

曼容仕止六百石茂先書載三十乘蕭然囊篋無
餘財颯爾滄洲動歸興力追廉退古人風漸戰紛
華夫子勝我公瀟灑天人姿帝遣濁世來昌詩正
笏垂紳著精白獎賢進善無阿私斗山教名四紀
重舟霖際會千秋期胡為脫身事幽討華鵲明湖
鄉夢繞朝來拜疏陳 君王白鷗忘機狎滌祿

詔假五月趣還朝懷邦覺世責未了傾城出祖青
門路敞蓋羸驂只儒素前迎楔棹泥金龍御賜帶
經堂額
後隨籤帙芸粉蠹刀貝象犀輸去豪家何如薄笨
裘四庫却笑惠施空多方其道躋駁言不彰大賢
致澤期實用鑽研故紙徒堪傷莫辭捆載南還北
爾分去不合名山藏

俞兆晟

泰山巖、維嶽降神顯允君子實獲我心 職思
其居王之喉舌淑問如臯陶不遑朝夕 秉心塞
淵秩、德音君子有徽猷續古之人 猗與那與

其詩孔碩以雅以南聞于四國 五月鳴蜩言秣
其馬言告言歸于林之下 恩斯勤斯欲報之德
有紀有堂南山律々 我聞有命自天子所毋金
玉爾音政事一埤益我 揆之以日上慎旃哉日
月陽止寧適不來 我東曰歸我行既集知我如
此我心則說 古訓是式中心好之命彼倌人謂
之載之 旋車言邁其嘯也歌高山仰止我勞如
何 搔首踟躕京師之野懷哉懷哉何多日也
天錫公純嘏以綏後祿蒸然來思文茵暢藪

劉石齡

隆替瞻行藏斯道公所寄邱壑雖高懷未許適已
事新圖寫荷鋤知公盛歸 烟簑試春暎細雨屏
山翠對此幾惘然相顧發深喟陳辭亟請假明農
謂當遂 一人識公心冰玉等精粹經綸資哲人
期佐平鴻治重公念琴城秋卿暫虛位 恩遇何
便繁 皇情洵專繫公行檢歸裝小騁邱園轡惟
此卅乘書宦游曾未置白籐織方笈玉軸纏綵緜
事殊東都門感歎同一致往從外舅游金穀似居
敬公門生
臯比得叅侍緘詩每披覽斯藝謂可肄一言感平
生提命况兼摯但恐學更落負公良自愧芒屨來

西郊長揖送行旌何當惜山湖春葦看泝、遙岑
澹脩肩烟波泛清醉此言亦意擬說餅那可食月
數三十莫迅此隙中駟蒼生共殷然公也能勿至
王時鴻

廣寧門外柳依依漫說東方有袞衣待得瀧岡封
表後 九重虛左待公歸
上界詩仙領士流願厨俊及一時收自憐末契纔
邀賞便向青門送八騶

徐文駒

綠暗庭槐露氣凝簷前新月挂疎藤一時北斗尊

韓愈千載龍門仰李膺報國喜陳金鏡錄捫心惟
愛玉壺冰西城別墅今何似無數鶯花綠萬層
不耽朱紱戀青山曾寫幽情放白鷗海內正遲司
馬相蒼生肯使謝公閑 聖恩特詔虛卿席客夢
頻迴侍曉班魚水一堂真盛事未容泉石弄潺湲
澄於孤月淡於秋皎潔身登百尺樓天為斯文培
碩果人從吾道識清流千尋泰嶽開青嶂夾岍旌
旗映石榴雲樹故鄉無恙外詩情先到白蘋洲
年來問字子雲亭帶艸藜光受六經萬卷書帷分
霽月一罇丙夜落疎星絳紗仍有諸生侍黃絹非

因驛路停恰待薰風迎瑞節夕陽斜照暮烟青

朱星渚

今皇推孝治夫子奉恩歸雲外佳城起山前列樹
圍始懷終獲遂孺慕不教違著就新阡表臨風涕
一揮

齊州公井開喜見袞衣東曳履泛天上鳴珂出禁
中一函輝 御墨累葉耀門風游釣當年事悠然
興不窮

遠郭何葱鬱遙憑望氣知馴烏翔丙舍觸鹿遠松
枝白日千年閱黃綸五色披自今明發慰衝暑竟

忘疲

豈不耽初服其如 詔命催秋風故山別涼驛小
車來論道仍中禁持衡復上台執經羣弟子更喜
絳紗開

吳 磨

早傳 天語出彤扉八座雙藤許暫歸從此便開
黃閣待翻愁無暇著初衣

入林祖帳擁交衢惜別門生盡捧輿誰似趨朝三
十載歸袞祇載五車書

徐 蘭

仗下沛 恩綸留官待老臣
遙傳出都日太息滿
朝人行色青氈舊年光
白髮新長途書十乘好事
繪來真

宿雨淨盧溝忽、度八駟王程難
小駐別酒漫深
留嶽色尊前曉荷香
歷下秋台星今夜裏應照古
齊州

行、離魏闕渺、入齊烟
細雨迎梅候輕風曝繭
天旌前趨小吏馬
下列長筵東望嵐光白晴雲起
肅然

曾讀名山錄因知作者心
曉聽清珮響神往白雲

深慷慨辭 明主優游返舊林
松楸瞻雨露藹、
發新陰

依、桑梓綠親故半成翁
酒置池亭上秋高風雨
中蟬鳴深巷柳馬繫帶霜
楓多恐城西墅林泉覽
未終

憶和陽春曲從茲遇賞音
易歸千里道難遣十年
心東路秋聲早西山夜雨深
公瀕行時蘭為雨阻西山
臨岐翻
契濶灑淚托微吟

耕煙

畝雨

息歸



朱竹垞先生烟雨歸耕圖

二

讀畫齋



李香子鶴徵錄曰朱筮亭先生云某聞之老輩海
內有三圖其二落梅里一為家竹翁烟雨歸耕圖
一為秋錦先生灌園圖一為陳迦陵先生填詞圖
蓋三先生皆命世才仗劍出門窮老盡氣所交皆
天下奇士胸中鬱律不可一世一題一詠其詩詞
其字畫盡古今之至寶也今填詞圖既不可得見
歸耕圖亦歸他人之手惟灌園圖尚藏于其家秦
小峴觀察題詩云竹垞一事偏輸與畫卷留傳到
子孫有慨乎其言之

自贊

朱彝尊

饑有婦子居有環堵舍爾征衣蓑笠是荷為力雖
微其志則堅粒食既足不期逢年咄哉斯人誰為
徒者人或知爾百世之下

百字令

菰蘆深處嘆斯人枯槁豈非窮士賸有虛名身後
策小技文章而已四十無聞一邱欲臥漂泊今如
此田園何在白頭亂髮垂耳空自南走羊城西
窮雁塞更東浮溜水一刺懷中磨滅盡回首風塵
燕市草屨撈鰕短衣射虎足了平生事滔々天下

不知知己誰是

又和叶

李良年

彼何為者數過江門第恨人奇士朔塞南枝來往
慣筋力也應倦已弱不勝衣狂思雪筆墮上從無
此展圖一咲十郎聊寫愁耳 曾記細雨青蕪淺
挈小艇問桃花流水本欲逃名名不去行遍山林
城市子定歸典吾將作伴摒擋西疇事算來長策
為農今日良是

秋波媚

陳晉明

歸去耕田白板扉青笠綠蓑衣盡焚筆硯不拈書

史只把鋤犁 幾回相見相憐惜心事兩依、圖
中紙上添儂相伴與子同歸

錢澄

見說棲山未有山一生心事此圖間每因雨後催
耕起應向溪邊放水還自去自來誰與偶為農為
士總成閒時人欲問柴桑路祇在南湖角里灣

周 質

筆耕硯稅時既獲之披蓑負耒抑又何為古人食
力載耘載耔子真谷口庶其企而

紀映鍾

十畝之間力所營拋書長日事躬耕一簑風雨歸
來晚烟火茅檐稚子迎

陶家樂事在東疇鄭子還從谷口求拚得朱頴任
胼胝斯人高致已千秋

自把犁鋤棄硯田春風辛苦隴頭眠平生不作篝
車祝歲々人歌大有年

我有荒廬白下村百年修竹老霜根朱張紀渚同
心者歸去來兮緊閉門

高兆

力田孝弟邈矣斯風岩々君子抱道抗蹤負耒而

注于彼田中五穀是治勞力其躬聖人之徒舍爾
孰從

行箴

讀盡萬卷詩書好是一字不識披簑戴笠烟村躡
屨荷鋤未息不入有莘之野便向南陽之宅借問
此是阿誰橋李城南朱十

汝筆耕而舌耘石以為田胡為跣足衣簑戴笠其
志則然春煙霏々春雨冥々衣簑戴笠獨行無人
我欲持三尺耜與汝耦耕兩手無力足不得行年

年束書游江上坐見膏田春草長

五

詩畫齋



畫



畫


長

朱竹宅先生

畫齋

夫竹宅先生小長蘆圖

續畫齋



言一



P3-4

鷗那得相猜

秋涇水與穆溪連。十里樵風挂席便。不用到門煩
剝啄。相尋長在荻花邊。

又

查慎行

君住鴛鴦湖。儂住鷓鴣浦。

一統志云鷓鴣湖在海鹽西南四十里今其名

無可考當即黃道湖去余居十里

同為蓑笠翁。貫聽菰蒲雨。

種魚三畝五畝。陂水前溪後溪。認得隣莊老對州

堂在鶴東西。

白髮初辭

供奉班。一身那不受投閒。江湖老伴

多星散。知己無如父子間。

又

成都兩隻屨。山陰一頂笠。指認蘆中人。千秋西朱

十。世稱西峻為小朱十

讀書著書老矣。南垞北垞歸休。晏吟捉鼻謝客。新

沐彈冠楚猴。

風月其如白髮何。秋鼓聽到翟門多。五湖滋味鱸

魚好。賣了朝衣買綠簑。

又

高不騫

槐樹斜街宅。經營此畫圖。由來名父子。只戀小長

蘆。

六載玉堂天上。一絲釣艇沙頭。肯放四明狂客。寡

寥獨擅風流。

師資父事分平生。倘許肩隨漁釣名。載酒相尋長

水面。亂呼漁弟與漁兄。

又

曹三才

兀坐渾忘世。持竿豈在漁。千秋看兩。君意自如

如。

舍北舍南秋水。光風霽月伊人。有時載酒問字。蕭

閒氣宇如春。

林下不須延熟客。歸田為卜小長蘆。廿年心事堅

猶昨。借景都堪賦。遂初。

是日又觀竹垞先生
壬子年烟雨歸耕圖

又

陸棻

嘉樹堂前戲。驚心有鬢華。依稀小池上。赤脚去撈魚。

擲下簪頭鏤管。來聽一片秋葦。箬笠於今懶戴。絲竿付與佳兒。

南湖棹艇東湖泊。活跳湖魚一樣鮮。要醉梅花三白酒。囊中留得幾緡錢。

又

戴錡

漁艇衝波險。無如踞石安。一潭星不動。知未下絲竿。

竿。

讓水廉泉是臣。綠簾青笠閒身。眼底並無一箇圖中不畫三人。

無忘筌處得鱸魚。為圃為農兩不如。本是絲綸好。高手呼兒付與一竿竿。

又

謝師昌

披卷得伊人。羲皇以為友。一竿自隨身。誰辨絲綸手。

臧文常釣莫釣。濠梁非魚知魚。會取水邊活意。來觀日下奇書。

不有蕭然物外襟。肯將簔笠換朝簪。長蘆只在烟
波裏。越北燕南何處尋。

又

喬崇烈

誰畫小長蘆。蘆花墊長水。先生愛簔笠。坐暝斜陽
裏。

南書房香案吏。小長蘆釣魚師。豈必官家鏡水。一
邱一壑都空。

遊子新從閩嶠還。一竿隨侍水雲間。我來三日畫
中住。楓葉半村羨一灣。

又

沈季友

罷釣來尋詩。了無爛紅影。誰如大小朱。面奪秋江
冷。

拋他杜曲韋曲。還我雲村水村。画裏兩垞不遠。蘆
中直到柴門。

倦却江湖載酒遊。阿郎赤脚父科頭。一絲烟雨清
如許。那有貪魚敢上鉤。

又

沈岸登

野對落青陰。幕歷不知午。合携斗酒來。起着漁衫
舞。

新蓋曝書亭子。垞南正有閒田。我意別裁東絹。戲

拖墨竹便娟。

兩岸叢蘆無數葉。秋風嫋。一竿絲。看來未有郎君分。只許先生學釣師。

又

沈不負

秋水情何限。幾忘坐石溫。芒屨不識路。曾未到漁村。

簑笠今從畫見。漁竿昔記同遊。謂西峻十兄大几明窓

眼底恍然鳴和風流。

芹芽荻筍菜花魚。鄉味堆盤興不虛。數說山中人樂事。小長蘆外亦無餘。

又

張遠

蓮炬花磚客。魚莊蟹舍心。卷舒無不可。一注自情深。

眼底綠簑青箬。膝前玉樹蘭芽。網得魚兒換酒。釣船流下蘆花。

舉網得魚君有酒。牽船上岸我為家。與君同在菰蘆裡。只隔鷗邊幾浪花。

園

竹



宅



未竹宅先生

古貞畫





朱竹垞先生名彝尊字錫鬯行十秀水人居嘉興之梅花溪康熙己未詔舉鴻博先生以布衣除翰林檢討充史館纂修官尋罷歸家有亭名曝書藏書八萬卷所著有日下舊聞四十二卷經義考三百卷明詩綜一百卷詞綜二十四卷竹垞文類詩類騰笑集江湖載酒集蕃錦集彙成曝書亭集八十卷著錄八卷其未成者有瀛洲道古錄五代史註鶴書集禾錄等書其與曹通政寅合撰者為兩淮鹽筴書一名鹽志是也其為鄭芷畦元慶箋釋者補石柱記一卷是也餘如手錄悉載年譜

百字令

朱彝尊

杜陵老矣。共丹青。曹霸白頭漂泊。花柳春殘都不見。底事燕南樓託。略約長隄。嘔啞柔櫓。只想江鄉樂。吾廬何處。夕陽芳艸村落。况有蔗芋閒田。竹梧舊徑。客至堪杯酌。試畫三楹茅屋矮。隨意圖書。簾幙。破石東西。橫山近遠。密樹遮雲壑。明年歸去。小樓添向墻角。

康熙甲寅春客通潞填百字令索秋屋補圖二十一年矣秋屋久逝小樓墻角至今未添而予衰愈甚展對此圖不勝遲暮之慨因付裝池并

書前關以要和者歲在甲戌五月竹垞老人

和

高士奇

苑西舊事記同君閒話故溪幽適退食披圖花院底指點竹南梧北放鴨闌低釣魚磯小野趣渾非一如今歸矣正堪盤礴泉石况我枳岸葭牆稍畦蔬圃所住連陂澤但棹圈篷黃篔艇來往春秋佳日懶出柴門病依藥竈路似桃源隔相邀題句只愁難比裴迪

又

李良年

浴亭旅思愛小園入畫子山之宅二十一番春事

改追話軟紅游歷史局誰長酒僊臣是晚遂歸田策白頭題句這回真箇頭白記否洗研蓮南擘棧梅底更譜琴梧隙問舊心驚雲散後剩我比隣雙屐就竹尋君展圖看竹疎翠霑衣幘茗香銷夏不須怊悵陳跡

又

竹垞何在在長蘆村曲碧雲深處中有幽人歌獨宿常與此君同住茅舍三間蓬舟一葉五柳門前樹著書滿架小園庾信堪賦猶記燕市追遊瀛臺傑直春夢今非故回首長安天際遠不覺青

山日暮。留此丹青。剡子白髮。撫景聊容與。他年相訪。小樓重話煙雨。

又

徐 鉉

春明夢斷。小長蘆。重整數間茅屋。晴日疎牕。煙縷散。淺露一叢寒玉。撲鹿沙鷗。惺忪岸柳。暗水當門綠。曝書亭子。共誰銷夏同曝。恰喜短棹頻過。深杯恣把。不遠江鄉曲。細按賓洲漁笛譜。醉擘蠻牋十幅。袞々諸公。萬人海裏。只是相爭逐。輸君高臥。垞南垞北。皆竹。

又

顧 涓

蕭疎斑鬢。倩誰人。畫箇竹垞詩老。嫩綠檀欒。添舊翠。揜染一溪花草。稽古當年。賜閒今日。却羨歸田早。栖遲林下。風光到處長好。從此獨坐攤書。呼朋命酌。不問蓬萊島。回首清華丹禁地。無事更縈懷抱。鶴浦東來。鴛湖南去。粉本憑幽討。扁舟載酒。與君嘗共傾倒。

又

戴 錡

日趁輒影。被秋風。吹動抽簪歸老。紫陌銅街。遊已倦。爭似梅花溪好。嫩竹千竿。方池半畝。綠遍王孫草。清陰如舊。麾去軟紅多少。分付徑剪蓬蒿。墻

芟薜荔。放與銀蟾照。况有圖書三萬軸。蠹字乾魚
齊掃。雙調彈箏。幾回顧曲。酒榼空頻倒。小梯橫閣。
六峯點、林杪。

又

郭徵

禁花看後。覺軟紅十丈。浣衣如墨。放棹江關。烟月
渺。歸向梅花溪側。竹簟邀涼。茅簷趁曝。故事真堪
憶。文章歐九。後身應是朱十。况此籜粉侵隄。萍
香撲幌。舊屬芙蓉國。最好荷衣縫露葉。紫綬青緇
收拾。小閣茶烟。長蘆醞舫。儘有忘機客。酒盃纔放。
草堂書散千帙。

又

葉舒穎

圍墻竹剗。似依然。留剩平泉花石。人在天光雲影
裏。占住高樓百尺。叉手唵成。等身書擁。嘯傲烟波
夕。閒時載酒。江湖曾作浮客。回憶燭剪寒宵。菜
根題扁。邂逅文章伯。乙卯冬晤先生于白田官舍別後荔枝恩
與帶。又早歸來岸幘。曲水拖藍。遙山疊翠。渺、神
仙宅。可容舴艋。長蘆深處尋覓。

又

葉舒珞

朝衫卸了。十年來。夢破浮名芻狗。點、軟紅飛不
到。那用山童縛帚。翠幄陰濃。碧波涼瀉。人在羲皇

右相簾高捲。遠峯青送唵袖。堪嘆綠野平泉。幾
多池館。轉眼成烏有。贏得圖將粉本在。留與人間
爭購。似恁風流。長蘆片石。應比名山壽。吾廬無恙。
此君要是佳友。

又

繆泳

梅花村市。愛南隣佳處。初經卜築。舊徑蓬蒿繞。剪
罷。添得短垣脩竹。近渚菰蒲。傍門槐柳。交映清溪
曲。曝書亭子。更繞荷芰芳馥。况有檻外諸山。望
中烟靄。指點遙峯六。把酒高吟。無一事。但貯牙籤
萬軸。畫手爭傳。輞川名勝。展玩開心目。今朝重到。
居然身在巖谷。

又

沈岸登

主人歸也。儘客來看竹。短篷長泊。雪色書齋。堪吐
壁。老去閒情慵託。塞柳騎驢。江蘆聽雁。轉覺堦中
樂。青錢憑買。移此村叟鄉落。竹外三兩枝頭。桃
花也放。更好時吟酌。春雨江南。容易見。消領年
簾幙。二畝新秧。六峯晚翠。便是真邛壑。小樓添否。
斜陽先在籬角。


夏 豆
番 棚
銷



朱竹垞先生

讀畫齋

朱竹垞先生豆棚銷夏圖



讀書



竹垞夫子命畫并題

梅庚

別開高閣面清漪。銷夏披風綠柳灣。對坐豆棚歌
白雪。不知天壤有塵寰。

竹林晏坐圖

慎字王時故




尤西堂先生竹林晏坐圖

續畫齋



三

言



尤西堂先生竹林晏坐圖題詞

生日自題小影調滿江紅二闕

鑄錯難成空贏得頭顱如許君不見此中有鬼英
雄無主世事夢回關塞月文章淚盡瀟湘雨嘆茫
茫宇宙此身多無歸處 山岳裏聊容與竹林下
方延佇但看他白眼科頭箕踞背後好遮王導扇
手中只少漁陽鼓攜一杯自祝畫圖前兔相語
甚矣吾衰誰畫出秋風蒲柳須信道相君之面居
然村叟車蓋鼓吹今夢覺空山晏坐搔童首問何
人不著鷓鴣冠惟君否 且逃暑頻揮手謹謝客

休開口祇先生生日歸而謀婦半臂纔更一斗麵
百錢恰買三升酒對此君爛醉仰天眠看蒼狗王后

謂明皇曰三郎不記生日脫紫半臂令阿忠更得一斗麵作湯餅耶

和詞

吳偉業

納、乾坤問才子幾人輕許人爭道北平司李騷
壇宗主碣石宮傾北海酒令支塞卷西風雨更翩
然解組賦歸來雲濛處 三毫頰平添與虎頭筆
神相佇似元龍百尺樓頭高踞鷓蚌利名持壁壘
觸蠻智勇分旗鼓只莊周為蝶、為周都忘語

丁澎

濯、丰標真不減當年春柳歸去也吾廬高枕漫
同園叟句漏山中丹九轉沈香亭畔詩三首憶宮
人爭唱七郎詞君知否 笑司馬凌雲手鄙鄒衍
談天口向煙蘿長嘯鹿門攜婦白雪題殘梁苑竹
黑貂典盡吳姬酒任人閒金紫儼成行同窮狗

彭孫適

解組歸來便黃綺欣然相許更休問屈生詹尹賈
生季主酒後擘箋霏豔雪花閒量屐黏香雨儘穀
巾葛帔向溪山招尋處 絳灌在堪誰與義皇遠
還空佇向歌樓乞食講筵高踞右北平中埋羽箭

吳東門下沈簫鼓但短衣匹馬老餘年無他語
誰傳先生須記取門前五柳問何人素心晨夕村
童鄰叟世上滄桑難著眼夢中金紫空回首看當
年花月滿姑昏今存否也不羨桑莢手也不羨
櫻桃口只蕭然偕隱鴻妻萊婦松節且揮高士塵
竹林試醉賢人酒任黃金斗印綰通侯功人狗

曹爾堪

才子風流聞乙夜

重瞳曾許桃林塞射生擊麻為東道主油幙憶觴
孤竹月紫騮厭踏盧龍雨且歸休花徑更三、堪

游處 雞豚社吾能與應劉讌人延佇羨歌場新
拍騷壇箕踞裂日穿雲吹鐵笛陳詩說禮鳴鼉鼓
啜其醜車畔有三騶呼之語

老友相於傷往事江潭楊柳同屈指垂、半百昔
童今叟翦韭烹葵諧夙約嘲風弄月誰稱首五湖
船恰受兩三人能攜否 莫閑却彈箏手好緘著
懸河口對門前亭榭梅妻鳩婦生食何須求五鼎
雄心只合澆醇酒笑封侯絳灌巧乘時元屠狗

宋 琬

賦奏凌雲真才子

至尊親許長太息文章憎命驛騶失主放逐身隨
麋鹿伴英雄志偃蛟龍雨記錦裘躍馬出榆關題
詩處 白蓮社誰偕與石渠閣曾凝佇且南窓寄
傲東籬高踞五岳夢游禽慶履三搗醉弄欄衡鼓
笑韓陵一片石峻增差堪語

陶令歸來三徑外栽松種柳遙集者湘潭屈子漆
園莊叟木柄長鏡常在握竹皮圓笠新加首置斯
人一壑一邛間然乎否 白雪調無雙手曉風句
諸伶口嘉遜後應門遣子烹葵呼婦秘笈已窺林
屋洞新篔且醉蘭陵酒問朱輪高蓋幾人存東門

狗

葉國華

瀟湘襟期問姓氏未知何許人都道桃花源客笑
容城主雙屐徧尋紅葉路一巾時落黃梅雨任飛
塵十丈到君前無容處 羲皇上堪徒與蓬壺外
還延佇笑柴桑腰折不如箕踞翫麟擊殘易水筑
佯狂搗罷漁陽鼓學無功河渚醉為鄉瘖無語

馬鳴鑾

翦水雙瞳是今世風流支許憶當日肘懸金印盧
龍曾主捉塵高談娛坐客揮毫新咏驚秋雨傲羲

皇翠竹碧梧間逢君處 衣短後聊容與開書卷
空凝佇漫木瓢痛飲石牀箕踞愛客誰收燕市骨
狂來搗徹漁陽鼓似張衡咏到四愁詩愁無語
解組歸來渾不記河橋垂柳只相與壚邊酒伴溪
頭漁叟鄧尉梅花常放屐錦帆簫鼓頻回首問長
安車馬客神仙如君否 詩賦就承蜩手詞源似
瞿唐口喜鄰依二仲室同萊婦百萬儘教劉毅擲
十千賒得餘杭酒此君前揮扇看吳雲如蒼狗
阿堵三毫竟傳出神情如許可知是酒壇詞壘狎

齊盟主五字捩髭組綺繡千言义手驚風雨儘疎
狂不患不夷間為君處 才八斗誰分與愁萬斛
空凝佇歎劉蕡下第孫山高踞萬里飛揚栖鳳翼
一官落拓催花鼓燕同歸王謝舊堂前雙、語
燕盡田園并不種陶家垂柳但傲却青山綠水黃
童白叟款段穩騎常放步接羅倒著空搔首問洛
陽冠蓋昔交遊能爾否 未學得摸稜手且緘著
雌黃口喜高堂強飯少君為婦竹下清談何點塵
花間沈醉劉伶酒試評論幾許古英豪埋屠狗

計南陽

青蓋朱輪想當日龔黃期許人不信長楊才子片
符鼎主姑射朝吟看鳥翼邯鄲夜獵馳風雨便休
登神武舊宮門投冠處 九仙骨天付與一品服
空凝佇且摩挲箏笛胡牀箕踞散髮漫垂錦水釣
高眠不聽花樓鼓問幼輿邛壑可相宜咲無語

陳維崧

快馬健兒記當日先生自許誰信道驂騑一蹶長
鳴憶主淒切新詞楊柳月悲涼雜劇梧桐雨更北
平回首暮雲低呼鷹處 朝共市難容與山共水
聊延佇且岑牟單絞搔頭箕踞千石硬弓千日酒

三條紅燭三搗鼓正男兒失路述生平踣問語
天語琳琅曾比汝殿前之柳今老矣漫云才子居
然聾叟三弄笛吹桓子野雙丸髻挽王曇首儘數
來作達昔人多如君否 脚有鬼還叉手舌尚在
終開口肩車中閉置學他新婦麴道士為盤內舞
銅將軍侑花前酒對董龍半醉語喃、何雞狗董龍
爾是何雞狗
見南北史

吳綺

骨相如斯君休認林間巢許怪早向東臯返駕為
松菊主塞馬不歸燕市月荒雞共舞巴山雨咲英

雄冷落付樵漁家何處 同病也惟吾與合志者
還誰佇只水荻亭子當風而踞高手且籠觀局袖
急流暫弄迴颿鼓把離騷醉讀向西江呼天語
碧鏤紅牙有誰是當今秦柳共說道挂冠歸去人
稱湯叟孤竹祠邊烏長角大槐宮裏貂籠首問年
時豪氣可曾除君言否 天付與凌雲手人罕及
粲花口儘蛾眉謠詠任他羣婦楚澤好裁君子竹
漢書合下賢人酒待華陰山上子先來騎龍狗

余懷

歸去來兮修素業神仙楊許還記取江山風月閒

人為主方麴障遮三里霧流黃簟落千峯雨問當
年快馬出廬龍今何處 湖一曲天賜與書萬卷
君延佇正長吟抱膝檣梧獨踞暫折圖碁安石屐
急呼解穢花奴鼓且披衿金鏤撥琵琶空中語
絕妙新詞論才調欺他周柳同游者梁園賓客馬
卿枚叟修竹林中尋鹿夢蓮花池上推龍首水荻
亭可是仲宣樓君曰否 霓裳舞雙垂手離騷曲
誰開口喜文成五采艷歌三婦避暑漫搖雲母扇
消愁合醉縹醪酒待何時海上看雲回神牽狗

黃遷

骨重神凝望而是文壇燕許空植下萬竿修竹相
為賓主四海交游腸似雪九天咳唾珠成雨喜亦
園松菊未荒蕪歸來處青白眼誰堪與義皇上
閑凝佇似桓伊弄笛胡床高踞斗酒雙柑鸞送曲
池塘綠艸蛙鳴鼓歎郝生僅得一參軍為蠻語

張芳

才子丰標取次看禁垣春柳形磊落雖稱傲吏還
推漫叟放曠須伸芒屨足繁華合付峩冠首記
宸聰頻有李官詢能忘否倒執版何人手啓事
牘何人口筭不如歸去賃傭呼婦慣踞庭心宜醉

石新筍缸面無愁酒聽歌成一闋自家詞唾蠅狗



填詞圖

其年：長兄屬

書

弟朱彝尊





歲在戊午
閏三月廿
四日為
其翁維摩
傳神釋
六



陳加陵先生填詞圖

讀畫齋

陳迦陵先生填詞圖題詞

梁清標

荆溪髯客早駕柳軼秦英遊軍匹絲繡平原寶裘
內史廿載名傾南國何處丹青粉本寫出石闌鏤
筆高吟就有金蟲綴鬢翠眉倚笛 懸憶應不讓
蘭畹花間聲出鏘金石紅藉蕉茵錦排鴈柱醉傍
佳人瑤琴少壯平生三好潦倒詞場七尺休嗟晚
看瀛洲亭畔重圖顏色 右調喜
遷鶯

王士正

夜香鬢影共氤氳吹徹參差入夜分贏得迦陵新

句好不辭心力事朝雲

玉梅花下交三九髯烏絲詞中句也紅杏尚書枉擅名記

得微吟倚東閣梅花如雪撲簾旌

田茂遇

想韓能畫骨張解點睛誰歟便捉髯寫頭上賢冠
腰間羽箭何處容君瀟灑郊只騎驢鯤宜置壑貌
來差可怪何年身傍釣天勅與吹瓊絜者 別有
閒情相惹記崔徽當日捧書遺下盼村巷朱陳圖
作等閒婚嫁枕畔甄來裘邊卓攤描繪花前月下
煞霓裳一曲廣寒未許吟殘醉也右調望湘人

彭孫通

一曲烏絲絕代工碧簫聲裏見驚鴻紅么小撥玉
玲瓏 幾度牽縈蘅薄夢怎生消受桂堂東教人
妬殺畫圖中右調浣溪沙

倪粲

誰畫湘娥幻耶真耶如蝶夢莊看烏絲題字幾回
詳審紅牙按譜作意清狂八斗才華五陵裘馬錦
瑟桐陰不暫忘斯人也在閨風之野廣漠之鄉
疇言壯志昂藏况電馬雲車無定方昔秦郵太史
關情旖旎江邊白傅淚墮宮商金縷歌殘紫簫聲

斲月榭蘭軒翠帶長君知否似桃源雞犬未盡荒

唐右調沁園春

王頊齡

蕉簟涼生暑氣消玉人跌坐學吹簫頻邀郎盼倩
筆畫眉梢郎把吟髯方得句未能閒却是霜毫
烏絲題就着意為儂描右琴調相思引

陸棻

將寫烏絲句如聽碧玉歌星、爭得染雙螺怪煞
維摩解道轉秋波阿堵神偏似春風省若何拈
毫撇竹費吟哦笑拍朝雲慧比此髯多右調南歌子

朱彝尊

擅詞場飛揚跋扈前身可是青兕風烟一壑家陽
羨最好竹山鄉里携硯几坐罨畫溪陰裊、珠簾
翠人生快意但紫筍烹泉銀箏侑酒此外摠閒事
空中語想出空中姝麗圖來菱角雙髻樂章琴
趣三千調作者古今能幾團扇底也直得樽前記
曲呼娘子旗亭藥市聽江北江南歌塵到處柳下
井華水右調摸魚兒

米漢雯

香添麝炷翠展蕉茵密靄深庭戶文章燕許君何

讓生小尤工金縷引商刻羽恰好倩傾城仙侶咳
唾間夏玉霏珠盡入參差譜 凝盼橫生媚嫵愈
清思奇艷瀟飛毫舞慢聲吹到關情闋錦瑟一絃
一柱餘音如訴羣籟靜桐陰轉午想曲終重按檀
槽還有堪憐處 右調解
語花

徐 鈞

翠螺調墨蕉葉迎涼細寫烏絲蠶繭都道我一生
貪看桃腮膩臉怪髯奴也撚霜毫凝盼着真、低
喚應戀聽偷聲減字霓裳重按 玉宇瓊樓非遠
羨徵車似水子虛初薦勅使填詞早遣宮娥傳遍

猛驚醒殘月曉風重回首酒旗歌扇休怨拚青衫
已老紫羅今換 右調月
華清

側帽輕衫古意多烏絲襪寫懊儂歌紅兒解唱定
風波 翠管吟殘傾一斗玉簫吹徹斂雙蛾酒闌
曲罷奈髯何 右調浣
溪紗

毛 奇齡

十年苦憶元龍頰面夢寐恐難親不虞相見長安
道上并見在傍人 停毫一顧踟躕處欲待按歌
勻碧鴨消時紅蕉坐去何處不傳神 右調少
年遊

吳任臣

荷衣露頂看綠雲滿地陽和時節翠帶斜吹檀板
低敲霓裳試按三疊殷紅冉、春如許漫擱筆沉
吟欲絕待興來不律飛揚寫出慧心蓮舌 况有
娉婷侍女似雪兒體態金縷歌闌迷迭熱香一卷
琅函儘足髯公生活長安鳳尾傳青瑣禁不住曉
風殘月拚今番桃葉渡邊付與玉簫吹徹右調
疎影

毛升芳

憶青裳捧硯午袖裁香豪氣溢塵表勃萃髯公致
從今後弓眉蟬鬢嬌小朝雲解事拂柱絃斜撥教

巧聽楊柳殘月新詞就盼來翠鬢姣 春曉織
花貌只少游情緒稼軒懷抱佳句初成候倩檀口
歌來雲際縹緲金門漏繞待鳳池賦奏璫島曳袍
袖爐烟携細帙聽黃鳥右調
眉嫵

高詠

天教付與此妙手髯翁評品宮羽疑是蘇家老子
朝雲為侶偏能道曉風殘月大江東竟成虛語紫
簫初弄紅牙再按艷情如許 却只恐玉堂催取
苦上馬匆、誰更延佇三尺烏絲寫未了花間譜
揮毫又進清平調使當年若應詞舉定圖袍笏凌

烟閣上風流同父右調桂枝香

龍燹

詞家規守藩籬耳未若髯之絕塵而上興酣落筆
磊落縱橫流宕蘓辛輩行奚足道淺斟低唱今已
矣故人安在此調中喪 每拊遺編惆悵忽宛然
晤對髯翁形狀脫帽披襟有個雪兒偎倚荆溪南
畔空窸窣花亭歌舫添悽愴何處笛聲悲壯右調雪獅兒

燕市悲歌者論從來英雄兒女湯爭殺價腸斷班

騅人欲去剗道小喬初嫁只半幅春風圖畫唱到
天涯芳草句看一教離鳳嬌鬟亞紅淚泣數行下
浮名自是誰真假甚于思花間蘭畹一時方駕
不管秦娥簫咽後又是荼蘼開罷更何處垂楊繫
馬便遣玉人嗔急性背華燈扣損羣兒研須罰爾
盡三雅右調金縷曲

燕作輕身鶯翻巧舌進院總無人到閒抽湘管小
拂蠻箋此際心情殊好正爾髣髴周辛幾許端詳
巡檐側帽忽柳邊花下煞是銷魂難為懷抱 細

看他綠鬢脩蛾亭、獸立別有烟姿玉貌故拖翠
袖斜倚紅欄微露風弄指爪應把烏絲麗詞吹入
瓊簫聲、低叫只如今頻喚真、收拾夜來詞稿
戊午小春作於長安客邸調寄過秦樓

孫枝蔚

使爾填詞何人草檄此最不平之事鬚長似戟手
快如風故作麻姑狡獪也覺流宕無聊且對蛾眉
消人愁思况方回近日斷腸佳句是兜能記宋賢詩能
道江南斷腸句只看從此宮禁聞名新成樂府
今惟有賀方回便付神仙行綴紅雲捧處紫袖垂時召賦蓬萊祥

瑞天上聞歌歸來舊日秦娥巧相嘲戲願卿如紅
杏尚書公道難忘半臂

和孝威前調

宋實穎

十年燕市和高筑莫鑄黃金屋入雒暫歸來髯逸
超羣談笑評絲竹 陽羨書生眼底事遊戲人間
世郎戟莫嫌遲酒深燈青袖有相思字右調醉花陰

曹貞吉

散聖安禪烏衣曰恰淡蕩風流如許酒棋戲鼓人
間世博得蕭然驢背鬚眉塵土凌轢詞場三十載

寫六代興亡無數翻墨瀋歷落崙寄看海奔鯨怒
誰拂生綃作照維摩清冷坐對散花天女三疊
霓裳一聲河滿曲項琵琶金縷問英雄紅粉可到
相逢斲腸處想歌闌深卮微勸銀甲春寒水沉香
更炷右調
八歸

毛先舒

生綃何太膩滑刺煞紫毫端便寫來落、蕭疎神
韻懶嫚衣冠長髯飄動數尺是風塵之外一仙官
却恨欄邊行盡應添脩竹千竿 多年不訪太湖
山望斷五雲灣想填詞未闕看花眼皺點酒腸寬

含商嚼徵入妙問此中還有幾聲酸心惜美人持
拍莫教纖指多寒右調木
蘭花慢

吳 爰

薛孃川紙湘娥管珍惜裏輕裾來催好句詩餘就
也恰對人餘 畫裏真、喚來曾應爭奈長塗愁
明夢暗手書寄也難寄心書右調青
衫濕

汪懋麟

閒過飛箋露檄時只將粉筆寫烏絲心事百千誰
料得那人知 酒肆歌樓狼藉了絳唇纖手恰相
宜揀得玉簫親付與待他吹右調山
花子

成德

烏絲詞付紅兒譜洞簫按出霓裳舞
罷髻鬟偏風姿真可憐
傾城與名士千古風流事低語
嗚卿、卿、無那情右調苦
薩蠻

高層雲

倚聲頓覺春愁淺曾否穀消英氣香
麝痕邊烟裊影側賺盡酒覓花淚
題殘鴈紙有解意紅、蕙心能記
愛把文簫恁翻清調譜銀字
珠塵微漾簾水駐將雲一朵
低鞦髻翠描粉蔥纖印脂萼
小渾想鶯簾風細吟情倦
未但贏得而今阿蠻釀粹無

限閒心看來圖畫裏

右調臺城路

李良年

吹簫待鳳畫壁留人憶舊來佳話
元和才子愛倚聲長只傍珊瑚架
翠鈿量得珍珠買便教入畫展
花間小帙沈吟不願人間聽者
平添一瓣都梁看鴉紙斜鋪鼠鬚
欲下纔回首說與春葱誤了宮
商再寫拚作湘筠親領取絳唇吹
麝怪今年柳七匆、奉旨填詞去也
右調
瑤華

徐之凱

問科頭擲管倚蒼苔誰恁擅風流
更雙鬟凝笑徘徊

二
徊別調待入管篴共道洮湖才子逸氣動滄洲喜
六朝丰韻頰上都收 猶憶松陵橋路伴小紅唱
曲簫管悠悠、帳金門霜度蘆鴈寄閨愁暫冷落香
猊紅浪看杏花後上苑同游還細問江南春好何
似

皇州

右調八
聲甘州

徐林鴻

彼君子兮有美一人弄姿曲房看冰髯細撚娑娑
故態星眸斜睇婀娜新粧似惜華年還嬌昨夜樂
府分明按箏行沉吟久果歌成雪艷吹勝蘭香

開元以後諸郎誰絕調風流賽廣場羨玲瓏斑管
毫端律呂參差纖指手底宮商未倒金樽頻扶粉
袖斟酌春情坐隱囊雖圖書待同敲出唱繞遍雕

梁

右調沁
園春

吳農祥

珊瑚增筆格香奩啟牕下訴離愁是唐突幾何彈
琴堪寄容輝減盡掩鏡還羞烏皮凭清歌移玉柱
片語爛銀鈎刻畫未成百番索笑携來不是一餉
凝眸 青鸞書信杳宮門索賣賦宛洛狂遊浪鑄
沉檀小像同鎖西樓借書舍豈寇仍回眉角語調

芍藥總咽心頭計日長楊羽獵夫壻封侯

右調風流子代女郎贈主人

眉黛驚消唇朱吹徹瓊臺纔住鈿車記字應白苧
聲協紅牙春滿青溪深處湘竹暖齊發梅花翻新
曲呼凰引鳳竟吐雲霞 爭差盤中機上琅函譯
翠袖事、堪誇是多情天付一種人家自與石尤
風別挽不盡碧玉年華憑圖畫還隨歸夢同遶天
涯

右調鳳凰臺上憶吹簫代主人贈女史

簾影樓陰一笑如皋移燈玉房訝精誠尚在生疎
狎典舊歡頓失縹緲明粧齒上輕圓指間宛轉一
一飛鴻十二行真消受喜臉橫絲淚身染脂香
江東顧曲周郎况領袖文園久擅場豈含悲莫訴
歌原變徵單情未合調切清商薄怒相憐微羞徐
歛各譜鴛鴦入錦囊君記取有蝶尋衣帶燕撲釵
梁

右調沁園春步寶名徐先生韻

萬軸牙籤雲雨荒唐掌間體輕應六朝故事曾歌
子夜百年齊頌早賦閒情學隱秋屏巧遮團扇只
狎當壚侍長卿驚猜定可聊通想像未許逢迎

侍兒彷彿呼名誰得似君家解目成豈徘徊閨閣
預愁孫秀殷勤簾幙默拒劉楨窺宋都非留髧不
遇遙隔巫峯認碧城春風便羨人稱弄玉仙類飛
瓊

作前詞竟寶名曰典卿曾見此圖耶蓋其年先
生命作實未見也又作沁園春以紀之如記曹
續寄當更作與寶名先生附紙尾耳

柳底吹笙塵尾烏絲爭侍賓筵見題詩欲倦徐留
帳下宿醒微解恒立床前擲果丰姿餘桃憨態任
打金鋪擁被眠郎君誓定今生與爾不罷相憐

只今追憶踰躔好初日容儀比少年記笑頰擡眼
花難解語歌喉按拍珠亦羞圓金馬初開壁人何
在翡翠簾寒易惘然秋懷苦似長河不息膏火同
煎

陳髯舊有小史驚艷一時又作沁園春以惱之

徐林鴻

歌舞君家不借人看阿誰肯憐縱腰肢柳擺長條
攀折衣裳雲想別樣纏絲瞥見何曾竊窺未許迢
遞蓬山路幾千平生面只錦衾帳底寶髻臺前
無端賺製新篇有蜀錦吳綾十萬牋任彩霞吹徹

短簫橫笛銀河隔，斷碧海青天春色依然。玉人何處妙手空將好事傳。伊相謔除身為明鏡，分得嬋娟。

星叟先生將戲語譜入余亦再疊前調易名曰
惱髯以當懊儂鴻再記

高士奇

大鼻長髯陳仲舉便，腹裏橫今古製得新詞低。
按譜黃金縷娉，慣解烏絲句。陳無已侍兒名娉。銀漢
清涼纔過雨，紵衫蕉簟渾無暑。何事宮商頻錯誤。
邀郎顧郎今要入金門去。右調漁家傲

宋 肇

怪髯翁騷壇馳驟筆鋒欲斷犀兕生平擅絕紅牙
句清致碧波千里移硯几對按拍蘋雲一片芭蕉
翠含毫選意美白恰纔披烏絲初展此際了無事
移情處最是箇人纖麗老鷓飛上覆髻玉簫吹
徹迦陵調散入霓裳第幾珠栴底甚悟到諸天幻
出嬋娟子空花蜃市擬呼下當筵琵琶試撥劃破
罨溪水

右調摸魚子次竹垞韻

毛際可

看生綃一幅踞坐者誰昨宵杯酒曾接醉後顛狂
閒時落拓怎便傳神眉睫龍尾香浮兔毫雲湧欲
書還摺想年來應

詔金門豫製宮詞三疊 堪歎吾儕易老有星娥
侍側霜毛偷鑷漸瓊管風生吹得早梅寒怯纖指
停餘朱唇整後笑把郎肩輕捻只道是接鬢長髯
生怕拂人雙頰右調望
湘人

柯維楨

畫工着眼頰上三毫神更遠髯美頤豐我道前身
是此公 科頭徙倚滿腹牢愁還得似下筆沉吟

填就新詞問那人右調減字
木蘭花

佳人難得百琲明珠何足惜聞道新年已有朝雲
着意憐 新詞按也譜入秦簫誰聽者不道而今
却與狂生看箇真前調

胡亦堂

肖像旁求是誰省

君王氣力看豪邁青蓮待詔紅蘭生色花底髯掀
蘓子賦朝回醉脫陶公憤恰雙蛾斂翠要人描憐
彩筆 荷裳亞蕉茵直鷓絃倦玉簫寐正指點紅
紅譜翻昔、鞭犢謬懷陽羨雨雕龍且付瀛洲石

待填成學海濟蒼生歸湖得

右調滿江紅

李符

填詞老手筆非秋垂露髯也風流玉田侶把琉璃
硯匣付與桃根携教坐長在國山青處烏絲攔
乍展曲按金荃寫出花間斷兔句蕉葉當輕茵聽
譜參差織指下纏絲如訴若引得天邊鳳飛來定
猜作前身是秦家女

右調洞仙歌

沈岸登

一葉紫蕉茵半臂籠輕苧網取千絲罨畫邊商麗
句菽、藤花雨子夜玉堂長夢到吹簫處肯送

蒲帆十幅風銷別緒再聽琵琶語

右調黃鶴洞仙

徐咸清

西園才子心如玉花閒譜就相思曲曲曲播新聲
吹來未睹名還將明玉管描出春山遠欲識曲

中情祇看畫上人

右調子夜歌

相如文賦江郎筆詞源一瀉洮湖碧筆底燦朝霞
還開解語花紫簫橫玉頰艷曲飛桃葉徹夜奏
清歌髯翁喚奈何

前調

雕窓深閉人難見畫圖省識春風面洛浦弄瓊簫
陳思竟暗消懸知曲不誤無事周郎願何處聽

簫聲春風滿洛城前調

繡茵小坐櫻花笑丹唇吹出清平調不用李延年
隨風珠玉懸花前剛被酒那識傳呼久捧硯倚
新妝何如畫上娘前調

錢栢齡

相向畫溪頭吟筆聯歌字絕似維摩老解禪重覓
句贏得天花雨鏤破碧城塵寫到無教處不道
朝雲竟已銷凝恨緒憑仗瓊簫語

右調黃鶴洞仙次黑蝶齋韻

集賢賓誰將翠管親畫描這一片生綃活現陳郎風
度好撚吟髭慢展霜毫評花課鳥待寫就新詞絕
妙君未老倚坐着那人兒年少

琥珀猫兒墜湘裙低覆一葉翠芭蕉素指織、弄玉簫

朱唇淺、破櫻桃多嬌暗轉橫波待吹還笑

啄木他聲將啟你兔便消半幅花箋題未了細烹

來陽羨茶清再添些迷迭香燒數年坐對如花貌

麗詞譜出三千調鬢蕭、鬢髻如戟輸你太風騷

玉交枝詞場名噪赴徵車竟留

聖朝柳七郎已受填詞詔暫分携繡閣鸞交夢竟

裏怎將神女邀畫圖中翻把真、叫想殺他花邊
翠翹盼殺他風前細腰

憶多

夜正遙月漸高誰唱新聲隔柳橋紙帳梅花

人寂寥休得心焦休得心焦明夜飛來畫橈

月上

真湊巧畫圖人面能相照覩香溫玉秀一樣

羊標按紅牙月底歡娛斟綠醕花前傾倒把雙蛾

掃向鏡臺燈下不待來朝

尾聲烏絲總是秦樓調寶軸奚囊索護牢怕只怕並

跨青鸞飛去了

吳儀一

一氣橫今古是何人觸翻空碧六鰲爭怒鍊石鞭

山成底事綵筆神工能補便幻出波濤風雨此意

蒼茫都不辨只乘鸞有箇吹簫女向畫裏伴君住

大風飛入高寒處倚新粧似聞花外笑傳天語

賦罷巫山渾是夢爛醉葡萄仙露忽迷却瑤臺玉

宇芟帶蘿衣還似舊剩吟髯千尺虬龍舞携短棹

五湖去

右調賀新郎

林麟焜

掃眉才子捧硯佳人成古來名話龍髯半剪學弄

聲索冷鞦韆高架研筴凝墨對梳掠雲鬢入畫有

壚頭取酒鷄裘文是相如似者 而今賦手凌雲
記歌板因緣花陰簾下那人別後憔悴甚尺幅生
綃空寫丁香帶結任帳底烟消沉麝想多時拋却
檀槽淡、眉峯蹙也 右調 瑤華
次武曾韻

陸繁昭

沒處相逢誰知却在丹青裏含毫拂紙看着渾無
字 荷雨初涼湛、吳江水闌干倚轉添愁意漸
少來鴻矣 右調 點
絳唇

查 鉉

秋水伊人遠喜今日畫中相見倚遍書牀更菡萏

裁衣芭蕉作簟醉後清平歌幾調看出篋波紋小
研正當前幼婦盈、待題黃絹 山川愛陽羨有
張公玉女生來作伴笑髯坡得句朝雲按板料理
葯爐茶竈在又重憶舞衫歌扇恰瓊樓高處相要
君恩早眷 右調

陸 進

掀髯欵坐擲管憑誰和有女雙鬟花半鞦一曲洞
簫吹破 是誰妙筆傳神風光掩映如真笑我迷
離老眼時從畫裏呼君 右調 清
平樂

沈 皞 日

看烏絲青鏤燭地篝殘便朝天去賭勝旗亭認當年
羈旅瘦馬茸衫曉鴉衰柳踏六街酥雨對了雙
鬟鄂船繡被聞他私語 換徵移宮紫簫教裏一
曲梅花滿城風絮染就吳綃是瑤牕淡處春草春
波夕陽還記得送君南浦爭羨而今呼來重譜沉
香新句

右調醉蓬萊

翠滴銅官眉樣樹對裏南樓恰是君家墜一紙紫
泥徵召去紅羅三尺書官署 玉瑩珠璫花樣女
女伴吹簫偷譜烏絲句繡帶風前飄暮雨幾曾繫

得君家住

填秦少章足司馬才仲黃金縷一曲



111

